

CUMÙNI DI LUNGÒNI



CUMÙNI DI
LUNGÒNI

Lu carrasciàli in Saldigna

La fésta di lu carrasciàli in Saldigna, si dici chi àgghja orìgghjini abbèddhu antichi chi si pàldini illa nòtti di li tèmpi; Fòssi si pó dì chi sia natu ill'èppica romana da li riti ditti Saturnalia chi illa Grecia antica si chjamàani Dionisie.

In Gaddhura dapói di tuttu lu 'arru passatu cu' lu fritu e a fà attinziòni a no ispaldizià lu di magnà, dapoidi tuttu lu trabaddhu fattu pa' laurà li campi e assicurassi una bòna aglióla, arriàa un mumentu pa' lu ripósu ambarèndi lu cumenciu di la Primmaéra cu' lu caldu, cu' li so' culóri, nuschi e rigali di la natura, éra lu mumentu d'affistà mentrecchì la tarra éra ripusendi

Si passàa una chita baddhèndi, bièndi e magnèndi in cumpagnia.

Illu restu di la Saldigna li fèsti cumènciani dapói di Li tre Irrè, candu li ciurràti si fàcini più lònghi; la ciurràta inghjittàta è la dì di Sant'Antòni Abati tra la dì 16 e la dì 17 di Ghinnàgghju; è un módu puru pa' affistà lufattu chi vi só più óri di luci e chi la Natura torraa nascì ea rinnuàssi.



CUMÙNI DI LUNGÒNI



Lu carrasciali in Saldigna

Si pensa chi umbè di li màscari saldi rapprisèntani li bèsti chi só stati ammasidàti da l'òmu e chi di chista manéra pilmittini lu trabàddhu e lu sustentamèntu di li familiid'un paési; parò in èppichi più antichi chisti màscari rapprisintàani fòssi la palti arèsta di l'òmini e una essènzia di dimòniu.

Pa' fà un esempiupudèmu pinsà a la mascaradi li Mamuthones e Issohadores di Mamuiada. Turrèndi a la Gaddhura, primma di l'anni sessanta, lu carrasciali éra una festa populari e a palti da l'èppica preromana esistìa ghjà un abbozzu di la figura di chissu chi cunniscimu abali comu Re Ghjòlghju.

La ghjènti cilcàa di ingraziassi a Giorgi, una diinitài preromanica, e li facià offelti pa' prupizià la stasgiòni e la rigolta.

A li tèmpi nòstri, Re Ghjòlghju diventa lu sovranchi s'appruvetta di lu populu.

Ill'anni sessanta, un cèltu Ziu Muzzu di Tèmpiu, anda in continenti, vidi lu Carrasciali chini e pensa di pultàllu illa só' citài; cumèncìa cussì una tradiziòni chi arréa finz'a li tèmpi nòstri e grazi a la passìoni di tanti passòni, la chita di carrasciali di dugna annu, arréani a Tèmpiu umbè di passòni da tutta la Saldìgnae no sólu.

Lu Carrasciali è una fèsta e parò è puru una dinnunzia di la ghjènti contr'a li potenti chi dizzidini pa' tutti senza tiné còntu di li bisognidi lu pòppulu.

